



1783
SPECIMEN INAUGVRALE
DE

4, 279 AB
1865

TESTAMENTO
MILITARI
SINGVLARIA CONTINENS

QVOD
PRO GRADV
IVRIS VTRIVSQVE LICENTIATI
AVCTORITATE IMPERIALI
RITE OBTINENDO
PVBLICO EXAMINI SVBMITTIT
IOANNES ERHARDVS STROBEL
NORIMBERGENSIS.

D. XXVIII SEPTEMBRIS A. S. CIDI CCCLXXXIII.

ALTORFII NORICORVM
LITERIS IO. AD. HESSELI ACAD. TYPOGR.



SPECIMEN INAVGURALE

DE

TESTAMENTO
MILITARI

SINGULARIA CONTINENS

quod

PRO GRADU

IVRIS VTRIVSQVE LICENTIATI

AUCTORITATE IMPERIALI

RITE OBTINENDO

TABULICO EXAMINI SUBIITIT

IOHANNES ERHARDVS SPORRELL

NORMBERGENSIS

D. XXVIII SEPTEMBERIS A. S. MDCCCXXXIII

LITERIS IO. AD. HESSELI ACAD. TYPOGR.
ALTONI NORICORUM



HAEC GAVL. MISSI REVERENDISSIMO
ET
MAGNIFICENTISSIMO
S. R. L. PRINCIPIS TACI DOMINI
DOMINO
FRANCISCO LUDOVICO
DEI GRATIA
IMPERIALIS ECCLESIAE BAMBERGENSIS
ET CATHEDRALIS WIRCEBURGENSIS
EPISCOPO
FRANCIAE ORIENTALIS DVCI
RELIQVA RELIQA
PRINCIPIS OPTIMO PIETISSIMO
SAPIENTISSIMO
IN VTRIVSQVE REIPUBLICAE GVBERNANDAE PRVDENTIA
NULLI MORTALIVM SECVNDO
CIVIS
INDVLGENTISSIMA TVTELA ET PATROCINIO
MVSAE LAETAVNDAE EXSVLTANT
QVIPPE QVAS
PVBLICE PRIVATIMQVE
SVMMVS PRAESVL
ALIT. FOVET DILIGIT AMAT

HAS QVALS CVNQVE ERVDITIONIS PRIMITIAS

OMNI QVA DE CET

ERGA TANTVM PRINCIPEM

CVLTV REVERENTIA DEVOTISSIMA QVE
MENTIS SVBMISSIONE OBSEQVIO

ANNEXO

SVMMARVM OMNE GENVS PROSPERITATVM

FIRMIS SIMAE ISALVTIS

ET REGIMINIS AD SEROS VSQVE SOLES

FELICITER DVRIATVRE

VOTO CANDIDISSIMO HVMIILLIMO

IOCV SISEQVE SIMVNAI

SVAS RATIONES AC CVNCTA STVDIA

GRATIAE SVMMAE ET PATROCINIO

QVIBVS EINIHL ANTIQVIVS NIHIL VNQVAM

MAGIS EXPETENDVM VOTIS ARDENTISSIMIS

IN GENVA SVPLICITER PROVOLTVS

COMMENDANS

DICATV

CONSECRAT

TRANSSCRIBIT

REVERENDISSIMI

CELSISSIMI QVE NOMINIS

CVLTVR SVBIECTISSIMVS DEVOTISSIMVS QVE

TAMA TRIVCTO



SINGVLARIA
DE TESTAMENTO MILITARI.

§. I.

Inter omnes, quibus uel prima iuris elementa cognita sunt, optime constat, testamento militari primum locum inter testamenta priuilegiata deferri. Sumitur autem testamentum militare pro *testamento, ab iis condito, qui in expeditione bellica sunt constituti.* Iure ueteri Romano milites etiam extra expeditionem priuilegium testandi habuisse constat, quod IUSTINIANVS demum ad solam expeditionem coarctauit, faciendo: *recte testantur, scilicet sine solennitatibus, uidelicet, quum in expeditionibus occupati sunt — illis autem temporibus, per quae citra expeditionum necessitatem in aliis locis uel suis aedibus degunt, minime ad uindicandum tale priuilegium adiuantur.* a) Haec dispositio Iustiniana sufficienter probat, rationem adaequatam testamenti militaris ex statu expeditionis petendam esse, qui tot solennia et subtilitates iuris non admit-

A 3

a) Verba pr: Institut: de militari testamento. v. etiam l. 17. Cod: h. t.

admittit, quot in otio ac pace a legibus requiruntur. Hinc uenit, quod iura, quamuis de milite primario loquantur, hoc priuilegium tamen etiam ad alios extendant, qui *eodem periculo experiuntur, si modo in hosticolo deprehendantur, et illic cedant.* b) Num uero tales personae militibus plane exactentur, alia quaestio uidetur, haud facile affirmanda, praesertim secundum recessum Imperii de anno 1512. de quo deinde pluribus dicendum erit.

§. II.

Sed milites nondum dimittere possumus, quippe ad eos praecipue hoc ius singulare spectat. Audiamus iterum legem: *Ex eo tempore quis iure militari incipit posse testari, ex quo in numeris relatus est (enroullirt): Proinde qui nondum in numeros sunt, licet etiam lecti tirones sint, et publicis expensis iter faciunt, nondum milites sunt; debent enim in numeros referri.* c) Ex his si quid uideo clare patet, ueram qualitatem, ut ita dicam, militarem in milite abesse non posse, si iure militari testari uult, quamuis haec sola non sufficit, nisi haec circumstantia accedat, quod simul in expeditione constitutus fuerit. Quid uero sub uoce *expeditio* proprie intelligatur, de eo Iureconsulti mirum in modum sibi contradicentes, dissentientesque reperiuntur, aliis hoc uocabulum lato, aliis strictiori sensu accipientibus. Nobis has controversias recoquere nolentibus eorum sententia placet, qui cum Brissonio, Gesnero aliisque in iure et latinitate ueterum

b) Hosticolo, idem ac hostico loco denotat, de qua re criticam uide observationem BYNKERSHOEKII in l. un. Dig. de Bon. Poss. ex test. mil. in eius Obs. Iur. Rom. L. IV. c. 20. uid. etiam l. 44. D. de test. mil.

c) l. 42. D. de test. milit.

rum uerfatis uiris uocem *expeditio* per iter militiae seu profecti-
onem militarem explicant; quae interpretatio ipfo lo-
quendi ufu noftratibus familiari confirmatur. Res nempe
potiffimum eo redire mihi uidetur, num ratio priuilegii huius
teftandi in folo difcrimine belli et certaminis pofita fit, nec ne.
Affirmatiuae fententiae patronis ipfa argumenta, §. 1. a no-
bis allata, fauere uidentur, ubi expreffis uerbis *periculi* men-
tio iniicitur. Sed falua nihilominus res eft. Omne bellum
periculofum eft, licet gradus periculi uarii et diuerfi funt.
Quis ideo affirmet, militi ob folum militiae difcrimen priuile-
gium teftandi indultum effe? Tunc nullum amplius difcri-
men inter teftamentum pagani in hoflicolo conditum et te-
ftamentum uere militare cogitari poffet, quod tamen fem-
per conftitui debet. Et quid multis opus? Nonne claris
uerbis Imperatores Traianus, Antoninus, quin adeo ipfe
Iuftinianus nofter in *fimplicitate et imperitia militari* caufam
noftri teftamenti collocant? d) Nec nos tangit argumen-
tum aduerfariorum, a contrario ut uocant defumptum, qua-
fi ex Sententia Imperatorum, quam noftram facimus, feque-
retur, ut Centuriones, Praefectique docti et iurium periti
teftamenta *foleinnia* facere deberent, quod tamen nemo huc uf-
que affirmauerit. Profecto calumniantur haec obicientes, uix-
que qui refutantur, digni funt. Quis enim non uidet, simplici-
tatem et imperitiam illi iurium rigori, illis legum fubtilitati-
bus opponi, quae in teftamentis folennibus requiruntur?
Verbis PVFENDORFII hanc in rem utar dicentis. e) *Quoad
miles in otio degens urbe et ciuitatibus continetur, copiam Iure-
confultorum habet, quos quominus adeat, militaribus laboribus et oc-
cupationibus non impeditur. Aliter in eo dicendum eft, qui in iter*
fe.

d) vid. l. 1. D. de teft. mil. l. 3. Cod. et princ. Inf. eod.

e) In Oberu. Iur. Vniuerfi, T. III. Obf. 187. §. 3.

se iam contulit vel iam expeditus ad iter se accinxit, cuius ex eo tempore mens bellicis tantum negotiis occupatur, certe occupari intelligitur, adeo ut oblitus quoque iuris scientiae omnis, si quam antea habuerit, uideatur. Brevi: Ita mihi persuasum habeo, auctores privilegii non praesens periculum, sed permissam iuris ignorantiam et favorem militiae respexisse, ut idem vir doctissimus alio loco dicit. Si quis erit, qui dignitatem militiae rationem testamenti militaris constituat, nec me plane dissentientem habebit. Sufficit, uocabulum *expeditio* non tam arctis limitibus circumscribi aut solum ad metum armorum et praesens hostium periculum restringi oportere.

§. III.

Haec de tempore et loco, in quem testamenti militaris privilegium cadit, dixisse sufficiat. Iam ad dispositiones iuris patrii hac in materia extantes progrediamur; et primum quidem de famosa illa recessus Imperii de anno 1512. (quem uulgo etiam Ordinationem Notariatus nominant) sanctione paucis dispiciamus. Res peruulgata est, Imperatorem Maximilianum I. rixarum Iure Consultorum de uero significato uocabuli *expeditio* pertaesum, in hac lege e) ex sententia glossae sanxisse, ut milites in acie seu confictu constituti sine ullis solemnibus, in castris uero coram duobus testibus testari possint. Secutus est Imperator in prima parte huius sanctionis notissimas Iuris Romani dispositiones, secundum quas milites testamenta facere possunt, *quomodo poterunt; et si quid in uagina aut clypeo literis sanguine suo rutilantibus annotauerint, aut in puluere inscripserint gladio suo, ipso tempore, quo in proelio vitae sortem derelinquunt, huiusmodi uoluntatem* stabi-

e) tit: von Testamenten §. 2.

9

stabilem esse oportet. g) Quod ad alteram partem dispositionis Maximilianae attinet, eam quidem a iure civili quodammodo discedere arbitror. Hoc enim cautum legimus, ut *legitimis probationibus* tantum ostendatur, militem actu sic et non aliter testatum esse, h) et quidem *scriptum* testamentum ex sola militis scriptura sustinetur, modo quod scripserit miles, satis constet. Magis ergo probationis quam solennitatis causa testes adhibentur; etiam in nuncupatio. Hinc nihil interesse dicunt, an testes sint masculi aut feminae, rogati i) nec ne. Verba recessus Imperii autem innuere mihi videntur, legislatorem non tam liberalem erga milites, in expeditione et castris quidem, sed non in pugna constitutos, fuisse. Sic uero se habent: *Oder von Ritttern, die zu Feld und doch nicht im Streit waeren, da wird solch Anzahl der Zeugen nachgelassen, bis auf zween: Aber die Ritter, die in Uebung des Streits sind, moegen ihr Testament machen ohne alle Solennitaet und Form, und wie sie wollen. Jedoch die Ritter, so nicht in solcher Uebung und Streit noch auch zu Feld liegen, sollen ihr Testament nach gemeinen Rechten machen.* Ex quo PUFFENDORFIVS k) illud confici putat, militibus in expeditione duntaxat et castris, non autem in pugna constitutis, nihil quam numerum te-

B

stium

g) l. r. l. 40. Dig. l. 15. Cod. de testam. milit.

h) l. 24. l. 40.

i) HOTTOMANNVS quidem uocem *conuocatis* in §. 1. Inst. de mil. test. et l. 24. D. eod. per *rogatis* explicat; sed certe sine omni iuris et scriptorum ueterum auctoritate. *Conuocatis* idem est quod apud CICER. de N. D. lib. 2. c. 3. *uocatis aliquot uiris*, aut, ut FESTVS ait, *praesentibus commilitronibus*.

k) In Obs. Iur. Vniu. T. I. obs. 102.

stium remitti, adeoque duos testes *in uno actu* adesse debere et *continuitatem testandi* requiri; quid? quod summum Tribunal Cellense in causa quadam specialis testium rogationis probationem imposuisse, ex ultimis uerbis Obseruationis adductae apparet. Si haec omnia recte se habent, a uero non longe abesse uidetur, dualem testium numerum, praesertim cum etiam in scriptis testamentis eum adhiberi oporteat, non amplius solius probationis, sed etiam solennitatis causa a Maximiliano praescribi. Sed tunc etiam de habilitate feminarum ad testimonium dicendum admittendarum, ualde dubitandum erit, praesertim cum leges fileant et ne in codicillis quidem feminae idonei testes a multis habeantur; nisi quis forte dicat, fauorem militiae exceptionem a regula facere. Sed iam satis de testibus dictum est.

§. IV.

Ex ante adductis iam satis credo elucescit, distinctionem Maximiliani ad paganos applicari non posse, quibus extra ordinem militari modo testari licet, sed tantum in eo casu, quando in hosticolo decesserint, quanquam sufficere uideatur, si lethaliter uulnerati alibi mox decedant. 1) Omnibus qui in hostico et procinctu uersantur, si modo alias habent testandi facultatem, hoc priuilegium competit, siue ex necessitate castra sequantur, ut Legati, Quaestores, Clerici, Consiliarii bellici, magistratus militares, Medici, Chirurghi; siue suae simul utilitatis causa, ut Mercatores, Venalitarii (*Marketender*) et id genus alii; siue priuati negotii uel uoluptatis causa spectatum uenerint. Etiam militum uxoribus, qui maritos in castris comitantur, idem priuilegium datum esse intelligitur ex

1) vid. STRYCK de cautel. testam. c. 9. §. 23.

ex tit. Cod. de uxoribus militum. Nec dubium est, nauarchis et militibus maritimis eandem testandi praerogatiuam tribui debere, quum in eos omnes rationes cadant, quae in militia terrestri cogitari possunt. Quis etiam nescit Poetas saepius de *Castris nauticis* dicere? Interea tamen negari non poterit, statum rei naualis plane peculiarem, siue antiqua tempora siue hodierna cogites, etiam hac in re singulares legum dispositiones exigere, a legibus militiae terrestris toto coelo abhorrentes.

§. V.

Tantum de *Forma* testamenti militaris. Sed indubii iuris est, etiam quoad *solemnia interna* regulam ualere: Sola militis uoluntas spectatur. Nolo libros elementarios exscribere, qui omnia et singula iura militum huc pertinentia ordine recensent. Liceat nobis tantum unum alterumue horum iurium penitus inspicere et sicuti necessarium uidetur illustrare. Sic u. c. uulgata res est, et *deportatos, et fere omnes, qui testamenti factionem non habent, a milite heredes insitui posse*, m) praeter seruos poenae, mulieres turpes et haereticos declaratos. n) Hanc iuris Romani Sanctionem seu exceptionem potius, hodie uix ac ne uix quidem applicari posse arbitror, tum ob mutatum rei publicae statum et saniora tolerantiae principia, quibus praefertim nostra aetas gloriatur, tum ob morum vitaeque castitatis rationem valde diuersam,

B 2

quae

m) Verba l. 13. §. 2. Dig. de test. mil.

n) Ead. leg. et l. 41. §. 1. h. t. Verba leg. 14. D. de his quae ut indign. potissimum huc pertinent: Mulierem quae stupro cognita in contubernio militis fuit — non admitti ad testamentum iure militari factum, et id, quod reliquum est, ad fiscum pertinet.

quae mulieribus, in quas suspicio turpis cadit, fauorabilior esse uidetur, o) licet et olim paganis non vetitum fuit, metrices suas heredes instituire.

Exorbitans quoque militiae priuilegium est, militem liberos suos exheredare posse, modo sciat, se filium habere. p) Denegatur liberis querela inofficiosi, qua legitimam sibi iudicare possent. Interea tamen illis secundum Praxin alimenta poscere permittitur. Eadem seueritate leges etiam uetant, testamentum militis agnatione posthumi rumpi. Quaeritur, an scientia militis, quod uxorem praegnantem habeat, requiratur. Audias hoc loco HELLFELDIVM scribentem q): nil interest, siue sciuerit, siue ignorauerit, miles, se praegnantem habere uxorem, modo constet, uelle militem, ut quisquis sibi nasceretur heres, exheres sit. r) Aut fallor, aut haec limitatio etiam in liberis iam uiuis, de quibus pater nihil sciuit, locum habere debet. Casus nempe ita ponendus esset: Sempronius miles Caium commilitonem suum, sanguine sibi caeteroquin non iunctum heredem instituit, tam constanti immutabilique animi intentione, ut quemque, qui sibi nasceretur, exheredem uellet et declararet. Videre enim nequeo, quomodo, supposito casu ignorantiae, de animo patris posthumum, quem uxor in utero gerit, excludendi, aliter constare possit, nisi pater expresse etiam ad hunc ignoratum casum suam institutionem extenderit. Sed tunc hoc certe nihil singulare uel priuilegio

o) conf. tamen ea, quae infra §. VIII. ex Codice Iuris Frid. von *liederlichen Weibstücken* attulimus.

p) l. 9. Cod. de testam. mil.

q) In Iurisprud. forensi §. 1477.

r) Haec sunt quoque circiter uerba l. 7. D. de test. mil.

uilegio militari de praeritione posthumi proprium est; potius hic casus etiam in liberis iam uiuis pari modo contingere potest, de quorum existentia miles quidem tempore testamenti factione nihil nouit, quos autem, si forte aliqui extiterint, plane exclusos uult. Sententia nostra igitur hic est, regulam semper firmam et stabilem manere oportere: *Ignorantia militis, quod liberos habeat, aut uxor eius partum in utero gerat, testamentum rumpit, si liberi actu existunt et actionem instituunt, aut posthumus ei nascatur; quae sententia legibus expressis confirmatur.* s)

§. VI.

Etiam in iure substituendi peculiare priuilegium patri militi tribuitur. Sed uaria sunt Iureconsultorum iudicia de ui et ambitu huius iuris praerogatiui, aliis facultatem militis liberis substituendi et terminum tantum pubertatis restringentibus, aliis ultra eum illam extendentibus. Nobis posterior sententia placet. Negari enim nequit, militi in substitutione pupillari sicut et in uulgari plus concessum esse quam pagano. Lex clara est. *Centurio filiis, si intra quintum et uicesimum annum aetatis sine liberis uita decesserint, directo substituit. Intra quatuordecim annos etiam propria bona filio substituere iure communi capiet: post eam autem aetatem ex priuilegio militis patris duntaxat, cum fructibus inuentis in hereditate.* t) Si enim pagano aliquando licet, ultra pubertatem pupillari-ter substituendi, ita, ut uoluntas eius tanquam fidei commissum saluum maneat, u) sequitur, ut militis substitutio tan-

B 3

quam

s) l. 36. §. 2. ff. l. 9. et 10. Cod. de testam. mil.

t) Verba leg. 15. Dig. de uulgari et pupillari substitutione.

u) Argum. l. 76. D. ad Senatus Consultum Trebellianum.

quam directo talis subsistat, quum priuilegio nitatur. Nec uerba *iure communi* in leg. 15. de uulg. et pup. subst. obuia permittunt, ut substitutio militis ultra terminum pubertatis, modo tanquam fideicommissum ualeat. Simul uero ex eadem lege apparet, substitutum, si filius ad pubertatem peruenit, solum testatoris, non filii bona accipere, quia pater filio ius testamentifactionis adimere nequit.

§. VII.

Haecenus de priuilegio testandi militibus concesso, omnique eius vi et ambitu satis pro scopo nostro tractauimus. Restat, ut uideamus, quando tale testamentum vim suam amittat, aut quibus casibus militi facultas priuilegiato modo testandi plane denegetur. Quod ad prius attinet, res cuius notissima est, *testamentis eorum, qui honestam, uel causariam missionem meruerunt, spatium anni tribui*, quo adhuc ualidum sit: *sed testamenta eorum, qui ignominiae causa missi sunt, statim desinunt iure militari ualere, x)* Minime uero cessante periculo aut finita expeditione talia testamenta ualore suo cadunt, ut nonnullis uidebatur. Ratione posterioris quaestionis duae classes mihi constituendae uidentur, quarum una eos continet, qui priuilegio se indignos reddiderunt, quales milites desertores, seditiosi, sacramenti militaris uiolatores, y) depraedatores, *Schnaphaene*, de quibus *Recessus Imperii* de anno 1555. tit. *von Einspaennigern*, et id genus alii; sub altera autem eos complector, qui ob cessantem rationem priuilegii seu alia impedimenta, quibus ipsi causam non dederunt, iure militari testamenta facere prohibentur. Potissimum huc referunt

x) Verba l. 26. D. de test. mil. v. quoque l. 38. h. t.

y) l. 11. Dig. de test. mil.

ferunt milites stationarios et limitaneos, *die in Garnison und Besatzung liegen*, milites in hibernis constitutos, (nisi in limitibus excubant, uel in locis perpetuis excursionibus obnoxii) a hostibus captos et nondum postliminio reuerfos;) obfides et alios. Si nobis de legibus constituendis sermo esset, dubium certe non leue oriri posset, num testamenta militum nostrae aetatis propter plane mutatam rei militaris conditionem recte ex Regulis Iuris Romani diiudicentur. Mihi quidem aliter uidetur. Ex quo enim ratio militaris, praesertim in certis regnis, dominari coepit; ex quo militem conductitium perpetuum habemus, cui certe permissa iuris eiusque subtilitatum ignorantia haud inuidenda, nihil legislatores Europaeos impedire uidetur, quo minus et in hoc iuris argumento subditis suis melius consulant. Quatenus id factum sit, sequentia nos edocebunt.

§. VIII.

Appendix Legum Prouincialium

Contigit mihi nonnullas dispositiones legum particularium et prouincialium Germaniae nostrae inspicere, quae materiam testamenti militaris tractant. Forsitan haud ingratum erit eas penitus nosse, praesertim cum uaria singularia in iis deprehendantur.

Ante omnia Sanctiones Iuris Brandenburgo - Borussici nominabo. In Corp. Iur. Frid. P. II. L. VII. t. II. §. 7. 8. ii recensentur, qui ratione priuilegii testandi inter milites referuntur uerbis: *Unter dergleichen privilegirte Personen werden auch gerechnet die Auditeurs, Regimentsquartiermeister, das Proviandant und die dazu gehoerige Membra, und Subalternen.*
Be-

Bedienten der Officier, Feldprediger, Feldscherer, Marquetenter, Kriegs- und Feld- Commissarii, die Soldatenweiber, welche in der Campagne und in dem Lager ihren Aufenthalt haben; keineswegs aber die Iuden und liederliche Weibstücken, noch die Scharfrichter und deren Knechte. Wann auch ein Soldat wegen eines Criminis, ausser der Desertion zum Tode verdammt wird, stebet ihm auf gleiche Weise frey, seinen letzten Willen nach diesem Privilegio zu errichten.

Ibid. §. 10. de testamentis militaribus nuncupatiuis dicitur. Anlangend die mündlichen Verordnungen auf den Todesfall, wann solche in der Bataille oder andern feindlichen Rencontren und Actionen, auch in der Bestürmung eines Orts, von einem Unterofficier und gemeinem Soldaten an einen dabey nicht interessirten Oberofficier, von einem Oberofficier aber an einen andern Oberofficier, so bey der Sache gleichfalls nicht interessirt, declarirt werden, sollen dieselben ihre Gültigkeit haben; ausser solchem Fall aber mit zwey glaubhaften Zeugen erwiesen werden und ist nicht genug, wenn er einige Zeit vor seinem Tode in Conversation und discursivoe oder im Scherz etwas erwehnet, sondern es muß eine ernstlich Verordnung seyn, wofür es jedoch in dubio zu halten.

Ibid. P. II. L. VII. tit. 11. Art. 1. §. 9. de externa forma testamenti scripti militaris, uerbis: Damit aber auch wegen der Gewisheit und Wahrheit kein unnoethiger Zweifel entstehe, sondern aller Betrug und Disput nach Moeglichkeit vermieden werde, so kan ein Officier und wer zur Armee gehoerig, in Form eines Testaments, Codicills oder Schenkung, oder durch einen ordentlichen Brief, oder auch nur durch ein Billet oder Zettel, seinen letzten Willen schriftlich hinterlassen, und wann er solchen ganz durch und durch eigenhaendig geschrieben, und es so gefasst ist, daß des Verstorbenen Sinn und Meinung klar vollzogen ist, hat

hat es seine voellige Richtigkeit: Wosern aber solcher letzter Wille nicht eigenhaendig, sondern nur von dem Testatore unterschrieben ist, so ist es doch genug, wenn die Disposition selbst von einer traus- und glaubenswürdigen Person geschrieben ist. Ist es aber eine unbekante Hand, muß ein unverwerflicher Zeuge es mit unterschrieben haben.

Ibid. inter alia, quae de priuilegijs testamentorum in expeditione (der Campagne) confectorum dicuntur, uerba sequentia occurrunt, quae mihi praecipue digna uisa sunt ut excribantur. Solchemnach ist als ein privilegirtes Soldaten-Testament, Codicill, Schenkung und iede Verordnung auf den Todesfall, — für bestaendig und in den Rechten gültig zu achten, nicht nur, wann der Officier und Soldat vor dem Feind stehet, sondern auch wann bey einem schleunigen und unermutheten Ausmarsch aus dem Standquartier ein oder zwey Tage zuvor, oder auf dem Marsch selbst, solche Verordnung des letzten Willens gemacht ist, es sey der Feind nahe oder entfernt; es sey im Lager, im freyen Felde, Belagrung eines Orts, oder wenn ein Ort belagert oder bloquirt wird. Ingleichen in den Cantonirungsquartieren, und wenn iemand waehrend der Campagne auch in einer Garnison liegt, wo ein feindlicher Anfall geschehen kan; oder wenn einer zur Bedekung, oder zum Resognosciren, oder andern Kriegsexpeditionen commandirt, oder auch aus dem Lager wegen Krankheit, Blessur, oder sonst noethiger Verrichtungen anderwaerts beurlaubt wird; Item auf dem Ruckmarsch aus dem Feld in die Cantonirungs- oder Winterquartiere, auch selbst in den Winterquartieren in des Feindes Land- oder Graenz- Oertern, worinnen der Officier und Soldat zur Bedekung des Landes gegen den Feind im Quartier liegt; und in allen solchen Faellen, wo waehrend den Kriegs die Gefahr und Eilfertigkeit Anlas zur Verordnung eines letzten Willens geben kan, sollen dergleichen Dispositionen ohne

ohne Solennitaeten, so die Rechte sonst erfordern, gemacht werden koennen und gültig seyn. De solennibus internis testamenti militaris in eod. Corp. Jur. Frid. P. VII. L. VII. T. I. R. Art. 1. §. 6. mentio fit. Hoc unicum tantum adponam, quod de praeteritione posthumi ibi legitur, uerbis: *Wann ein Posthumus nach ihrem (der Ober- und Unterofficiers, auch gemeinen Soldaten) Tode geboren wird, rumpirt solches ihr Testament nicht, es waere dann, daß sie nicht gewulst, daß die Frau schwanger sey.*

De annullatione et infirmatione testamenti militaris ibid. eod. loc. §. 13. cautum legitur: *Es verlieren aber die Testamente — ihre Kraft Rechtsens 1) bey denen so ihre Fahne vor dem Feind oder in wachrendem Kriege verlassen, es sey Ober- oder Unterofficier oder gemeiner Soldat. 2) Wann dieselben aus einer infamanten Ursache dimittirt werden. 3) Wenn jemand seinen letzten Willen auf eben die Art, wie er ihn declarirt hat, revocirt, oder 4) das Testament bey gesunden Verstand zerreiszt, oder durchstreicht. Wann er 5) zwey Testamente macht, gelten sie alle beyde, wann sie sich aber widersprechen, mus das letztere vorgezogen werden. Es wird aber 6) das Testament nicht aufgehoben, wann der Testator nach geendigtem Krieg oder Campagne in eine Garnison zu liegen kommt, oder ex causa laudabili dimittirt wird.*

§. 12. Sollte auch derienige so etwas auf seinen Todesfall, wegen einer bevorstehender Gefabr und Action, und in deren Betracht verordnet, durch solche Begebenheit sein Leben nicht verlieren; so soll dennoch solcher letzter Wille auch nachhero bestaendig gelten, wann er nicht widerrufen oder geaendert wird.

DAV. MEVII Entwurf des Meklenburgischen Landrechts.
Part. II. tit. XXII. in WESTPHALI monumentis ineditis, T. I.

§. 9. *Wer in Kriegsgefahr ist, er sey ein Soldat oder sonst jemand, mag seinen letzten Willen verfertigen, wie er kan oder will, und was er aufgesetzt hat, oder andere aufschreiben lassen, ist gültig, wann nur obzulæugbar, dafs es desselben Hand sey, obgleich keine Zeugen dabey gewesen, oder da es von ihm nicht geschrieben, sonst durch zwey Zeugen mag bekundschaftet werden. Wann aber jemand, auch ein Soldat, ausser der Kriegsgefahr ist, liegt in Garnisonen, da er vor des Feindes Einfall gesichert, ist sein Testament nicht gültig, es sey dann mit sonst üblichen Solemnien verfertiget, also auch dieienigen Testamente, so in Kriegslæuften von denienigen verfertiget, die iezo in Kriegsgefahr nicht seyn, sondern Zeit und Gelegenheit gehabt, ordentlich zu testiren, nicht anderst, dann wie sonst Rechtsens, ihren letzten Willen verfertigen moegen.*

Sic etiam Ius Prov. Bauar. T. XXXIV. Art. 7. dispositionem Maximilianeam, quin imo uerba l. 15. C. de test. mil. accurate sequitur. Duo tantum in hac sanctione Bauarica mihi notatu digna uidentur: 1) Expressio *vor zwey Zeugen*, quae sententiam nostram §. III. prolatam confirmare uidetur, quod testes secundum mentem recessus Imp. magis solennitatis causa adhibeantur; 2) Quod ibi eadem expressiones, *im Streit, in Uebung des Streits*, occurrant, quae in recessu Imp. deprehenduntur. Eadem fere repetuntur in Codice Maximiliano Bauarico ciuili P. III. cap. IV. §. 4. ibique ill. DE KREITTMAYR in den *Anmerkungen* Tom. III. 1103.

Claudat hanc breuem indicationem statutorum dispositio Iuris Prouincialis Hoenloici Tit. III. §. 9. uerbis: *Der letzte*

lexte Wille eines Soldaten, der zu Feld liegt, oder auf dem March begriffen, ist gültig, wenn er nur durch dessen eigene Handschrift, oder nur durch zwey Zeugen kan erwiesen werden.



Haec sunt, quae pro uirium modulo, et temporis et instituti ratione de testamento militari proferre potui. Si forsitan quaedam huius doctrinae capita plane intacta reliqui, eo excusator, spero, abibo, quo certius iam ex titulo huius commentatiunculae perspicitur, me non omnia tractare et exhaurire uoluisse.



ULB Halle

3

003 331 415



TA-06







1783
SPECIMEN INAUGURALE
DE

4, 279. NB
1865

TESTAMENTO
MILITARI
SINGVLARIA CONTINENS

QVOD
PRO GRADV
IVRIS VTRIVSQVE LICENTIATI
AVCTORITATE IMPERIALI
RITE OBTINENDO
PVBLICO EXAMINI SVBMITTIT
IOANNES ERHARDVS STROBEL
NORIMBERGENSIS.

D. XXVIII SEPTEMBRIS A. S. CIOCCCLXXXIII.

ALTORFII NORICORVM
LITERIS IO. AD. HESSELI ACAD. TYPOGR.